

# Re' huj xitz'ihmbaj i ma' Lu' queh niminel Aj Pilipo

---

Re' ma' Lu' ric'alenej je take niminel aj Pilipo

**1** <sup>1</sup>Re' hin ma' Lu', hin raj camanom i kAjaw Jesus je' wo' re' i Timoteyo re' c'ahchi'quin rihch'ilem. Re' hin c'ahchi' nitz'ihmbam je i huj wili aweh hat-tak aj Pilipos re' nic' nimal sak chic wach ac'acharic tak ru'um reh rinimjic i Jesus re' Pahbamaj chi K'atal K'oric. Je' wo', c'ahchi' nitz'ihmbam je huj wili reh chi narilmijic wach cu'um take c'amol abeh tak chipam niminic eh je' wo' cu'um take aj to'bonel queh take c'amol beh. <sup>2</sup>Je' aj wili c'alenenic niban je aweh tak: Re' ta nak rato'bil eh je' wo' i sukquil c'uxlis riyew cho kAjaw Dios ch'il i Lok' laj Ajabes Jesus re' Pahbamaj chi K'atal K'oric, re' ta nak re' wih'ok pan ac'acharic tak.

Re' tioxonic riban johtok i ma' Lu' chiwach i  
Dios chiquij take niminel aj Pilipo

<sup>3</sup>Re' hat-tak xa elic wo' tic'ulic tak cho pa nic'ux naniban johtok nitij chiwach i kAjaw Dios eh nitioxej johtok reh ruc' i c'acharic na'n tak chiwach. <sup>4</sup>Je' wo', nanipahkaj johtok rato'bil i Dios chanq tak, xa nsukbic wo' pan wamna chi tij chawij tak <sup>5</sup>ru'um nok xa re' wo' ap'utum tak cho niminic cu yu'na chi k'ij, re' hat-tak xa c'ahchi' wo' ak'orom tak i atob laj k'oric chirij i Jesus. Ruc' na'n tak re're', hat wo' tak jenaj chipam i camanic wilquin wi' i hin. <sup>6</sup>Re' holohic laj camanic c'ahchi'cat tak re're', re' hin til ch'iclic nic'ux chi re' Dios re' xye'bic ano'jbal tak chi rip'uturic i camanic c'ahchi'cat tak, re' wo' re' narito'bonic aweh tak chi ritikiric ju' re're' cu rehtal cho i k'ij nac'olok cho rica'pech i Jesus re' Pahbamaj chi K'atal K'oric. <sup>7</sup>Chi je' re' rich'iquinjic nic'ux niban chirij i Dios, taret chi win chi naniban johtok nitij wilic sukquil c'uxlis pan wamna awu'um tak eh je' wo' re', ru'um chi k'e' ti' tiwic'raj tak ru'um chi hat wo' tak wich c'lulul reh rato'bil i Dios. Je' ricab i hin yu'na wilquin pan

che' je' ricab wo' xnic'ul cho naxnisakomej wach ric'uhbal i Jesus chi quiwach take c'acharel nquik'ihtaj quib. <sup>8</sup>Je' re' k'uru' re' hin k'e' til' tiwic'raj tak eh re' kAjaw Dios til reht'alim chi ma' chucuj k'oric ta niban nanik'or re're', ru'um nok rilow wo' cho pan i wamna chi til ti' tiwic'raj tak ruc' i rinimal ric'axbal ricoj pan wamna i Jesus re' Pahbamaj chi K'atal K'oric.

<sup>9</sup>Ru'um aj reh c'axoj re're', re' hin niban nitij chawij tak chi ripahkaljc chi enq'uhiic wach awuc' tak i c'axoj ib c'ahchi'cat tak. Je' wo' niban nitij chi enwih'ic riman ano'jbal tak reh chi narakam tak chirij chi coric chaj bih take taret chi banaric <sup>10</sup>eh chi je' re', re' hat-tak etichol tak richihiric wach haj wilic take taret chi banaric. Ruc' re're' etic'acharic tak chi sak wach ac'acharic tak chiwach i Dios reh chi je' re' chipam i k'ij na'olok cho rica'pech i Jesus re' Pahbamaj chi K'atal K'oric, ma'xta bih etik'ilmijic tak wi<sup>l</sup>, <sup>11</sup>ruc' ta la' nak i to'bonic riywew aweh tak, eta nak tirirak tak chi xa c'ahchi' wo' abanam tak ribanaric i holohic laj no'jbal nc'uhtunic lok wi<sup>l</sup> chi coric wach ac'ux tak. Chi je' aj re' tij niban chawij tak, niban wo' nitij chi ruc' ano'jbal na'htam tak lok chi quiwach take tinamit naribanam chi re' take re' enquik'or chi re' Dios k'e' lok' eh chi nim wo' wach i to'bonic riban cho.

### Re' take c'axquilal ric'ul i ma' Lu' ru'um rik'ormojic ribiral i Jesus

<sup>12</sup>Re' chic yu'na was tak nichak' aj niminel, re' hin nwaj nik'orom je aweh tak take k'oric wili reh chi nana'bem tak chi re' nic' pa' nimal take ti'c'axic xnic'ul lok, re're' xcamanic reh chi tocom chic take c'acharel nquich'ica' quic'ux chirij i holohic laj c'uhbal nk'oric chirij i Jesus. <sup>13</sup>Ru'um aj ti'c'axic re're', re' nic' pa' q'uihal take quicha'janic reh pat nwihi'c wi<sup>l</sup> ajabes k'atal k'oric, ch'il take tocom chic aj cha'janel queht'alim chi re' riwi<sup>l</sup> chi wilquin pan che', re' chi re' hin niban i c'uhbalanic chirij Jesus. <sup>14</sup>Je' wo' chic, ruc' richoporic nic'ux niban chirij i Jesus tob ta pan che' wilquin, yohbal wach take kas kachak' kich aj niminel wilqueb ayu' pan tinamit Roma c'ahchi' wo' quich'icqb quic'ux chirij i to'bonic riban i Jesus. Re' take re're', ma' quiyo'jic ta chic chi quiwach take aj ixowonel wach kaniminic, til c'ahchi' la' chic quik'orom ric'uhbal i Dios chi ma'xta so' quiyo'jic. <sup>15</sup>Re' cok ru' til pa ricorquil wilic take aj niminel re' ru'um chi til ncaj nitobjic c'ahchi' quik'orom ric'uhbal i Jesus re' Pahbamaj chi K'atal K'oric, xa re' la' wilic wo' take tocom chic aj niminel re' tob ta nak ma' quiyo'jic ta chi rik'ormojic c'uhbal chirij i Jesus, xa c'ahchi' quik'orom i c'uhbal re're' ru'um chi ti' quic'ux chirij nic' wach camanic riban wuc' i Dios, on ru'um ncaj chi ruc' i c'uhbalanic nca'n, eta nak nwihi'c wolic chi quixilac take aj niminel. <sup>16</sup>Re' take c'ahchi' quik'oric ric'uhbal i Jesus xa reh chi wolic ncaj, re' take re' xa c'ahbilal wilic cho pan camna eh ru'um re' c'ahchi' quik'orom i c'uhbal reh nak chi enwih'ic i wolic chi quixilac take quich aj niminel. Ruc' nak enc'uluric chi je' re', chi queh ru' riman nak chic enoquic cho rit'iquilal nic'ux ayu' pan che' re' tz'apalquin wi<sup>l</sup>. <sup>17</sup>Raj la' take aj niminel je' ruc' c'ahchi' quik'orom ric'uhbal i Jesus ru'um chi ncaj nitobjic, re' take re' til wilic c'axoj ib pan camna eh ru'um re' c'ahchi' quik'orom ric'uhbal i Jesus re' Pahbamaj chi K'atal

K'oric tob ta chi ma' c'ahchi' ta chic quin chi rik'ormojic i c'uhbal. Je' aj re' nca'n maj nquirak chirij chi re' riwi' chi re' hin wilquin pan che' ru'um chi hin pahbamaj cho chi rico'ljic rii i holohic laj c'uhbal nk'oric chirij i Jesus.

<sup>18</sup>Je' re' k'uru' tob ta wilic take xa ti'quilal c'uxlis ncaj quicojom pan wamna, xa ma'xta wo' bih raj rik'oram maj tob ta coric queh c'uhbalanic nca'n on tob ta xa banbal win nca'n, re' c'uhbal chirij i Jesus re' Pahbamaj chi K'atal K'oric c'ahchi' rik'ormojic lok eh ru'um re' jenaj rinimal risukquil nic'ux nchalic. Ma' xa re' ta yu'na nsukbic nic'ux, xa narisukbic la' wo' nic'ux <sup>19</sup>ru'um weht'alim chi ru'um reh atij na'n tak johtok chiwij, re' Lok' laj Uxlabal tak'amaj cho win ru'um i Jesus re' Pahbamaj chi K'atal K'oric, naquirito'bem. Chi je' re' k'uru' re' nic'axquinal ncojoric cho naricamanic win chi nanitobjc ru'um i Dios. <sup>20</sup>Je' wo' chic, je' ricab til weht'alim chi re' ti'caxis ncamanic win chi quintobjc ru'um i Dios, til ch'iclic wo' nic'ux i hin chi ma' ta nak chaj bih enic'uhtaj wi' niq'uixbilal chi ribanaric i raj ma' raj banaric. Ru'um aj re' yu'na tob ta wilquin pan che', chi ma'xta so' niyo'jic xa nanik'oram wo' ric'uhbal i Jesus re' Pahbamaj chi K'atal K'oric maj ruc' rik'ormojic re're', til nwaj wo' chi nk'ormojic chi k'e' nim i rilok'il i Jesus yu'na chi cu c'achalquin on tob ta chi hin chic camnak je. <sup>21</sup>Ru'um aj chi ma' weht'alim ta wi ayu' pan che' wilquin naquinquimok je, re' wili nik'or aweh tak: Chi win hin, re' nye'bic reh nic'acharic re' wo' i Jesus re' Pahbamaj chi K'atal K'oric. Je' re' nok wi xinquimic je, k'e' wo' chic taret chi win maj naniwh'ic ruc' i Jesus chi junpech.

<sup>22</sup>Til coric, je' re' capewenic niban eh je' wo' quincapewenic wo' chic chirij i wili: Wi cu equinc'acharic ayu' raj rik'oram chi cu equincamanic chaxilac tak chi rik'ormojic ric'uhbal i Jesus. Je' wo', raj rik'oram chi cu wilic take je' ruc' equiniminic reh Jesus. Ru'um aj re' ma' nirak ta chirij haj wilic i capew-bal taret chi win, wi re' nchel chi c'achalquin on re' chi equinquimic je. <sup>23</sup>Je' re' nik'or maj c'ul nak ru' nwaj i hin xa re' la' c'axis chi win rirakmajic chirij haj wilic curman chi nanibanam. Nwaj nak chi naniquimic reh chi equinoj wih'ok ruc' i Jesus re' Pahbamaj chi K'atal K'oric ru'um nok re' wih'ic ruc' ru', k'e' nponic chi niwach chiwach chi nanic'acharic ayu' wach ac'al.

<sup>24</sup>Tz'ab ru' tob ta nak je' re' nwaj i hin, curman wo' chi cu nanic'acharic ayu' wach ac'al. Re' aj re' ru' til wo' ajwal wach chiwach chi equinoj c'acharok ar pan taxaj. Je' aj nak re' ru' nwaj chi enc'uluric wuc' reh chi cu equincamanic chaxilac tak ru'um nok cu wilic raj chi nacat nito'bem tak wi' chipam animinic tak. <sup>25</sup>Je' re' nok re' hin til cow ch'iclic nic'ux chi cu wilic nic'acharic ayu' wach ac'al. Je' re' niban maj weht'alim chi manlic chi re' riwi' nicahnic ch'il niwih'ic chaxilac tak, re' chi nacat tak nito'bem reh chi re' hat-tak re' wilcat tak chipam i nimiric xkac'uhtaj aweh tak cu enatik tak ju' i wih'ic eh chi je' re' cu enarak tak risukquil ac'ux tak nchalic ru'um i nimiric wilcat tak wi'. <sup>26</sup>Je' wo' wilic wo' chic jenaj riwi' chi nicanahnic ayu' wach ac'al, re' aj i wili riwi': Chi re' hin eta nak quinelic je pan che', enak ti tiyoxonic tak johtok ruc' i Dios nachawilow tak chi wilquin wo' chic chaxilac tak.

**Curman chi pa ricorquil naribanjic i c'acharic tob ta nchel wilic ti'c'axic**

<sup>27</sup>Was tak nichak' aj niminel, chalok pe chi ninq'pa' bih narichalic, xa ma'xta bih nwaj reh, re' la' curman chi re' hat-tak naç'acharic tak pa ricorquilar je' ricab ric'ul chi queh take aj niminel reh lok' laj holohic laj c'uhal nk'oric chirij i Jesus re' Pahbamaj chi K'atal K'oric. Wi je' re' na'n tak tob ta equinoj on ma' equinoj c'olok chi awiliric tak, re' hin xa nanibiram wo' abiral tak chi re' hat-tak xa c'ahchi' wo' ayeb ac'ux tak chi wih'ic pan jenaj wach c'uxlis chi rik'ormojic i holohic laj tijinic hoj tijimaj wi'. Je' wo', xa nanibiram ok wo' chi re' hat-tak c'ahchi' wo' ato'bem awib tak chipam i cow laj camanic wilcoj wi' je' ricab nca'n take sol chi nquito'bej quib' naqui'oquic chi k'ak'anic. <sup>28</sup>Re' hat-tak k'uru' c'ul chato'bej awib tak eh mayohbalej tak take quik'etbic pám abeh tak maj re' ti'c'axic ncojoric cho chanq' tak ncamanic xa c'uhtbal reh chi re' Dios narisacham quiwach take c'acharel re're' wi ma' nquijal wach quino'jbal. Ma' xa re' ta re', re' la' wo' ti'c'axic ncojoric chanq' tak ncamanic chi c'uhtbal reh chi re' hat-tak naç'ljic tak eh re' aco'lbal tak re're' til wo' re' Dios nariye'bic aweh tak.

<sup>29</sup>Je' re' k'uru' tob ta nak etiquicoj tak pan ti'c'axic take qui'oquic chi rik'eteric pan abeh tak, ma' tiyo'jic tak chi quiwach. C'olok pan ac'ux tak chi ru'um reh rito'bal xiyew aweh tak i Dios chi naçamanic tak chiwach i Jesus re' Pahbamaj chi K'atal K'oric, curman chi naç'icab ac'ux tak chirij i Jesus chi junelic, je' wo' chi naç'ulum tak i ti'c'axic ru'um reh ritahkaljic ru' <sup>30</sup>je' ricab xc'uluric wuc' ruc' i ti'c'axic xawilow tak cho chi xnic'ul najtir on je' ricab ruc' i ti'c'axic nabiraj tak chi wilquin wi' hin yu'na.

**Re' take aj niminel quic'am tz'eht reh i no'jbal xiban i kAjaw Jesus**

**2** <sup>1</sup>Re' hin weht'alim chi re' Jesus ncowsionic ac'ux tak chi xa wilcat wo' tak chipam i niminic. Weht'alim wo' chi k'e' sukquilal pan awamna tak ru'um aweht'alim tak chic chi re' Jesus k'e' ti' tiric'raj tak. Je' wo' chic, weht'alim wo' chi re' Lok' laj rUxlabal i Dios c'ahchi' ricamanic chaxilac tak eh ru'um re' xa wilcat wo' tak pan jenaj wach c'uxlis chawibil awib tak. Ma' xa ta re're' weht'alim je' la' wo' weht'alim chi wilic rinimal i c'axoj ib pan awamna tak eh ru'um re' k'e' naquetelej tak quiwach take ncaj tobjic. <sup>2</sup>Ru'um aj chi'nchel re're', re' hin k'e' nansukbic nic'ux awuc' tak, xa re' la' reh chi enmanlajic wach risukquil nic'ux nipahkaj aweh tak chi ticapewenok tak chirij animinic chi xa jenaj wach riwi' acapew-bal tak. Je' wo', nipahkaj aweh tak chi chac'ax awib tak chi xa jenaj c'axoj ib wilic cho pan awamna tak. Reh aj chi naçbanam tak i pahkanic niban je aweh tak curman chi naç'lic tak chi xa jenaj wach riwi' acapew-bal tak eh chi xa jenaj wach ac'ux tak. <sup>3</sup>Je' wo' chic nipahkaj chi naticapewenok tak chirij ano'jbal tak, manimsaj awib tak eh mak'or wo' pan ac'ux tak chi re' hat-tak k'e' wo' chic awa'ric tak chi quiwach take tocom

c'acharel. Re' la' hat-tak naticapewenok chirij ano'jbal tak, chach'ubsaj wach ac'ux tak. Re' wili raj rik'orom chi chibanc'ahwach tak chi re' lok'il nquic'ul take tocom chic c'acharel nim ok wo' chic wach chiwach take lok'il nac'ul i hat-tak. <sup>4</sup>Chirij take wili nipahkaj wo' aweh tak chi ma' hab wach aweh tak riywənrib chi suk xa chi ribil rib, chilow la' wo' nic' wach nachito'bej i ras richak' reh chi re're' nariwih'ic wo' chi suk. <sup>5</sup>Ru'um aj wo' re' nwaj nik'orom aweh tak chi re' ano'jbal tak je' ok ricab i no'jbal xic'uhtaj i kAjaw Jesus, chirij ru' wilic jenaj bich nk'oric chirij rino'jbal chi je' wili:

- <sup>6</sup> "Naxponic i k'ij chi xkajic cho wach ac'al,  
re're' tōb ta nak jenaj wach rilok'il ch'il Dios ar pan taxaj,  
ma' janc'al ta xik'ihtaj rib chi re' rilok'il ye'oŋ nak reh ar pan taxaj  
ch'il i Dios, ma'xta chic riye'eric reh.
- <sup>7</sup> Re' la' re' xicana' chi je' re' xc'uluric ruc'  
eh ruc' re're' xic'u'lej nq chi ma' nim ta ti wach i rilok'il xye'eric  
je' ricab rilok'il nye'eric reh jeno' aj camanom re' ma' nim ta ti wach  
ricamaj.

Ma' xa re' ta ti re' xibanc'ah, xc'ulic la' wo' asjok ayu' wach ac'al  
chi xa je' ti ricab asjic riban jeno' xa hab wach c'acharel.  
<sup>8</sup> Nok c'acharic chic riban ayu' wach ac'al chi til je' ricab riwi' jeno' c'acharel,  
re're' chi xa ch'ublic wach ric'ux xa xibiraj wo' k'oric chiwach i Dios.  
Kacoj rehtal i xibanc'ah ruc' riquimic.

Re're' xa xbirinic wo' k'oric tōb ta nchel nariquimic wach cursus  
eh xa xic'u'lej wo' nq re' xk'ormojic reh ru'um i Dios.  
<sup>9</sup> Ru'um aj rino'jbal re're', re' Dios xiyew reh jenaj lok'il  
re' k'e' wo' chic nimal wach eh ma' hab ta chic jeno' wach wilic reh.  
Re' aj wili i lok'il re're':  
Nak'ormojok ribihnal, narik'ormojic wo' chi re're' Ajabes  
maj re' i bihnal re're' nc'uhtunic lok wi'  
chi xa re' wo' re' wilic rajawric chi quinā chi'nchel tinamit, nqui  
rik'or i bich re're'.

<sup>10</sup> Je' aj re' nik'or aweh tak chi re' Jesus xye'eric reh jenaj lok'il k'e'  
wo' nimal wach  
eh re' riwi' chi xye'eric reh i lok'il re're', reh chi nabirmijok ribihnal  
i Jesus chi Ajabes,  
chi'nchel take wilqueb pan taxaj ch'il take c'acharel wilqueb ayu' wach ac'al,  
ch'il wo' take camnak re' mukulqueb rehquen ac'al,  
enquixuc'a' quib chiwach c'uhtbal rajawric wilic chi quina.  
<sup>11</sup> Je' wo' chic, re' riwi' chi xye'eric reh i lok'il re're'  
reh wo' chi nak'ormojok cu'um chi'nchel chi re' Jesus re' Pahbamaj  
chi K'atal K'oric, re're' Ajabes chi quina,  
til narik'ormojic wo' chi re' Dios k'e' wo' chic rinimal wach rajawric.

**Re' Dios c'ahchi' ricamanic pan cämna take aj  
Pilipo xa re' wo' quinimem cho i Jesus**

<sup>12</sup>Hat-tak wich aj niminel re' k'e' ti' tiwic'raj tak, chirij chic ripahkaljic aweh tak chi re' ano'jbal tak naribanan chi je' ok ricab rino'jbal i kAjaw Jesus, yu'na chi ma' wilquin ta chic chaxilac tak nipahkaj aweh tak chi tibirinok tak k'oric je' ricab wo' xa'n tak cho nok cu wilquin cho chaxilac tak. Cha'n wo' tak ribanaric i nanik'orom wili: Chi c'ahchi' achopom ac'ux tak chirij i camanic xip'ut i Dios pan awämna tak naxatrico'lej tak, chatik tak ju' riye'eric rilok'il i Dios pan ac'acharic tak. <sup>13</sup>Je' re' nik'or aweh chi näbanam tak maj xa re' wo' cho naxatco'ljic tak re' Dios c'ahchi' ricamanic pan awämna tak reh chi ruc' i rito'bal riyew cho chanq tak ena'n tak eh enawaj tak ribanaric i nic' pa' nimal raj i Dios chi näbanam tak.

<sup>14</sup>Nok nik'orom chic lok re're', yu'na nwaj wo' nipahkam aweh tak i wili: Maban aweh tak i no'jbal chi xa tibech'ic tak je' wo' chi xa tiwolic tak cuc' take awich aj niminel tak. <sup>15</sup>Wi xa'n tak je' ricab xnik'or aweh tak, nac'acharic tak chi ma'xta jeno' mahc chanq tak eh chi je' re' ma'xta riwi'hic k'iloj chanq tak, je' la' wo' naric'uhtunic chi re' hat-tak, hat-tak rac'un rixk'un i Dios. Re're' riwi' chi c'ahchi' ac'acharic tak chi ma' ch'uwa'rsamaj ta nech' ok wach ano'jbal tak chi quixilac take c'acharel quic'acharic chiwach take k'lij yu'na. Chi quixilac take c'acharel re're', wilic take ma' holohic ta quino'jbal nquic'uhtaj lok eh ar nc'utunic chi ma' holohic ta quibanic. Chi quiwach aj take c'acharel re're' k'uru' nac'uhtam wo' tak lok riholonquilal ano'jbal tak chi manlic je' ricab nok nc'uhtunic cho quisakomil take ch'imil pa rik'ekomil ak'ab.

<sup>16</sup>Yu'na je' wo' nipahkaj wo' aweh tak chi xa elic wo' chak'or tak i lok' laj c'uhbal re're', re' nanquic'ul take c'acharel riban chi ac' chic c'acharic. Je' re' nipahkaj je chi näbanam tak reh chi nasoljok wo' chic cho i Jesus re' Pahbamaj chi K'atal K'oric, re' hin equinwi'hic chi xa suk chic nic'ux nanwilow chi awuc' tak xc'uluric je' ricab nc'uluric ruc' jeno' aj ajamanel. Je' re' nik'or maj je' ricab ruc' aj ajamanel re' cow laj camanic riban chi ajamanic ma' noj ta chi k'eb naricohlaj wach i ajamanic re're', je' wo' re' awuc' tak re' cow laj camanic xniban chi ac'uhbaljic tak ma' xoj ta wo' chi k'eb, til xatrito'bej la' chipam ac'acharic tak. <sup>17</sup>Chi je' aj re', yu'na enik'or wo' aweh tak i wili: Re' hin k'e' nsukbic nic'ux awu'um tak maj tob ta c'ahchi' ac'ulum tak ti'c'axic je' ricab wo' c'ahchi' nic'ulum i hin, xa c'ahchi' wo' ach'icab ac'ux tak chirij i Jesus eh xa camanic wo' na'n tak chiwach. <sup>18</sup>Je' ricab hin chi k'e' sukquil nic'ux til je' ok wo' re' i hat-tak sukrok wo' ac'ux tak.

**Re' Timoteyo nariponic cuc' aj Pilipo wi je' re' raj i Dios**

<sup>19</sup>Hat-tak wich aj niminel, wi re' kAjaw Jesus raj chi re' Timoteyo narojic awuc' tak, re' hin ch'iclic nic'ux chi re're' naribanan chi xa loq'uil ti enitak'a' je

awuc' tak reh chi etoj ric'raj tak cho nic' wach wilcat pan animinic tak eh chi je' re' ewo' nsukbic nic'ux i hin rc' pa' bih naric'ulic rik'orom win chawij tak.  
 20 Re' hin xnichih wach i Timoteyo chi narojic awuc' tak ru'um chi ma' hab ta chic wach ncapewenic chawij tak je' ricab riban ru'. Ru'um chi re' Timoteyo riban jenaj wach rino'bal wc' chi capewenic chawij tak pan animinic,  
 21 re're' ma' je' ta ricab take tocom chic waj to'ol re' xquitik'a' wach pan quic'ux chi ma'xta cojic ar Pilipo. Chi'nchel take re're' xa re' wach risiq'uirc haj wilic nponic chi quiwach ncaj ca'nam, ma' re' ta nchel i haj wilic raji i Jesus re' Pahbamaj chi K'atal K'oric.  
 22 Re' hat-tak enarak tak chirij chaj bih c'ahchi' nik'orom je maj aweht'alim wo' tak chic rino'bal i Timoteyo chi re're' je' ricab nok jeno' ac'unbes rito'bej i rajaw chipam take rilahtz'il, je' wo' re' nitobjic c'ahchi' ribanam chipam ricamaj i Dios chi rik'ormojic i c'uhbal chirij i Jesus.  
 23 Je' aj re' ru' re' hin ch'iclic nic'ux chi nanitak'ab je i Timoteyo awuc' tak chi awiliric tak. Re' cok ru' ma' ja' xta pe nitak'ab je cu rehtal nina'bej pe chaj bih nanicahnic wi' ayu' pan che'.  
 24 Wi xponic wo' k'ij chi naquinquesam je til nawojic cat tak wilom cho maj re' hin ma' nik'eb ta nicapew-bal rc' i kAjaw Dios chi re're' nariyeb k'ab wiñ chi xa nic' yu' nanibananam chi je' re'.

25 Chi je' aj re' ru'um chi ma' ja' nina'bej ta pe chaj bih nanicahnic wi', re' hin xnicapaj rij chi curman chi nanisolq'uum wo' chic je awuc' tak chi pet i Epaporito re' wich aj niminel eh waj to'ol wo' chipam ricamaj i Dios chi aj k'orol ric'uhbal. Re're' aj ye'ol wo' ric'ux chi rico'ljic rij kaniminic je' ricab riban jeno' sol chi rico'ljic rij ritinamit. Re' kich aj niminel re're', re' xatak'a' tak cho wc' chi naquirilom rc' take pa' bih nwaj chipam nic'acharic ayu',  
 26 til k'e' wo' chic raj rilom awach tak chawunchelal ru'um nok k'e' naxti'bic pa ric'ux chawij tak ru'um wo' reh capewenic xoquic cho awuc' tak naxabiraj tak ribiral chi re're' xyowabjic.  
 27 Til coric wo' chi je' re' chi xyowabjic eh ru'um i riya'bilal q'uisin nak ma' xquimic je xa re' la' re' kAjaw Dios xquietelej cho wach chi ma' xicana' ta chi xquimic je. Ma' xa re' ta wo' re' xquieteljc wach ru'um i Dios, xquieteljc la' wo' cho niwach i hin reh chi re' riti'quil nic'ux wilic ma' xmahsjic ta wach rc' riquimic.

28 Chi xa wajwam aj chic wach chi narojic awuc' tak, re' hin xa chi yu'na ti c'ahchi' wo' chic nitak'ab je i Epaporito chi awiliric tak. Nachawilow wo' tak chic wach, nipahkaj aweh tak chi sukrok ac'ux tak rc', chi je' re' ewo' nkajic so' wach ritz'irquil pa nic'ux re' nchalic chi capewenic chawij tak ru'um reh capewenic na'n tak cho chirij i Epaporito.  
 29 Chi je' wili k'uru' chacuy chac'ul tak i wich aj niminel re're' je' ricab ric'ul chi keh chi enka'n i hoj aj niminel reh kAjaw Jesus chi ric'uluric jeno' kich aj niminel rc' sukquil c'uxlis. Je' wo' nok wilic chic chaxilac tak chalok'mej tak i kich aj niminel wili je' wo' ricab na'n tak cc' take c'acharel quitak'abjic je awuc' tak.  
 30 Je' re' nipahkaj chi nabanam tak maj re're' q'uisin nak ma' xquimic ru'um i camanic xtag'abjic rik'ormojic reh ru'um i Jesus re' Pahbamaj chi K'atal K'oric. Je' wo' chic, re're' xicoj pan yohbalil ric'acharic naxchalic pan ajelow-bal hat-tak chi nitobjic chipam take pa' bih nwaj ayu' ru'um chi chawunchelal hat-tak ma' xa'n ta tak canar chalic chi nitobjic pa nic'axquinal.

### Re' pahbanic c'uxlis chirij i Jesus

**3** <sup>1</sup>Hat-tak wich aj niminel, re' hin nik'orom chic aweh tak take k'oric chi ma' nti'bic pan ac'ux tak. Tob ta c'olok lok pa' bih ti'c'axic chana tak, re' la' hat-tak xa suk ok wo' ac'ux tak ru'um chi re' kAjaw Dios wilic awuc' tak. Yu'na chi c'ahchi' nitz'ihmbam je aweh tak take k'oric wili, nwaj wo' chic nik'orom je aweh tak jenaj chic k'oric. Tob ta oxpech nanibanam rik'ormojic aweh tak ma' eta quinch'i'tjic chi ribanaric ru'um nok weht'alim chi til camanel aweh pan animinic tak. <sup>2</sup>Re' aj take k'oric wili oxpech rik'ormojic nanibanam je aweh tak: Chaco'lej awib tak! Til chaco'lej awib tak! Eh til wo' chic chaco'lej awib tak chi quiwach take c'ahbil laj c'uhbalanel re' nquicapaj chi re' take quiniminic reh Dios riwi' chi queh chi narik'ataric lok ritz'uhmal na quic'achanbal. Re' take c'uhbalanel re're', xa je' quicab take josk' laj tz'l' chi xa ti'c'axic nquicoj wi' take c'acharel nquitiw. <sup>3</sup>Je' wo' chic, re' take re' nquik'or chi ritinamit Dios take xa ru'um chi nquicoj quibhnal chi aj nimem take reh rik'ataric lok ritz'uhmal na quic'achanbal. Coric chi wilic quibiral chi je' re', xa re' la' ru' re' ricorquilal ma' je' ta re' maj re' hoj re' kojlok'onic reh Dios ruc' rito'bal i Lok' laj Uxlabal re' aj hoj wilcoj chi manlic ritinamit. Ru'um aj re' ma' re' ta chic china i pa' bih nbanaric china ac'al wili nkach'ica<sup>u</sup> kac'ux, chirij la' Jesus ch'iclic kac'ux chi suk kac'ux.

<sup>4</sup>Chi je' aj re' rich'iquinjic kac'ux nka'n, xa ta nak re' hin ch'iclic nic'ux china i pa' bih nbanam chipam nic'acharic, tob ta nak wilic riwi' chi enich'ica<sup>u</sup> nic'ux china re're'. Je' re' nik'or maj wi ta nak wilic jeno' c'acharel xich'ica<sup>u</sup> ric'ux china take pa' bih ribanam chipam ric'acharic, re' nak hin enicoj wib chi pet beh. <sup>5</sup>Re' riwi' chi je' re' nik'or, re' i willi: Re' hin nok wilic win wahxakib k'ij re' take nitut wajaw xquik'at lok ritz'uhmal na nic'achanbal ru'um chi je' re' rik'or i C'uhbal Ye'oj reh Moyses. Je' re' k'uru' pa niti'lolal wilic i rehtalil chi hin ca' qui'sil take cho aj hewreyo eh chi ar xchalic nija'quil c'uc' take ra' ri'sil cho ma' Benjamin re' jenaj queh rac'un i ma' Israel. Je' re' k'uru' re' hin til wo' hin manlic aj hewreyo chi coric eh xinwih'ic wo' pan quicomonil take cow laj aj niminel reh C'uhbal Ye'oj reh Moyses. Chi je' re' cow nak nik'or chi narinimjic take k'oric tz'ihmbimaj chipam i c'uhbal re're'. <sup>6</sup>Re' wo' re' riwi' chi re' hin k'e' wo' chic xwaj chi re' take tocom chic c'acharel xquinimej ta nak i C'uhbal Ye'oj reh Moyses eh ru'um re' xwixowej cho quiwach eh xniban cho ti'c'axic queh take moloj wach aj niminel chirij i Jesus ru'um nok xnicapaj chi re' take re' c'ahchi' quik'ihtam quib' chiwach i c'uhbal re're'. Je' re' ajic re' C'uhbal Ye'oj reh Moyses re' xiyew cho Dios keh hoj ra' ri'sil ma' Israel reh chi coric kawach chiwach, re' hin xniimej chi manlic eh ma' hab ta wach jeno' enk'oric win chi wilic ta nak xnik'ihtaj wi' wib' chiwach i c'uhbal re're'.

<sup>7</sup>Coric, til je' nak re' cho riwi' nic'acharic raj yu'na chi'nchel take re', re' wilic nak cho riwa'ric chi win, ma'xta chic nech' ok riwa'ric chi niwach ru'um chi niyew nic'ux chi ric'axmajic i Jesus re' Pahbamaj chi K'atal K'oric.

<sup>8</sup>Chi je' aj re', re' chic rinabjic wach chi manlic i Lok' laj Ajabes Jesus re' nchopbic cho nin<sub>a</sub> i hin, re' chic re' wilic riwa'ric chi niwach eh ru'um re' xnik'eb lok rij nic'ux chi'nchel no'jbal niq'uihsaj nak cho wi<sub>l</sub> wi<sub>b</sub> najtir k'ij. Re' no'jbal re're' xiban xa je' na ricab jeno' mok'al chi wi<sub>n</sub> ru'um chi re' chic nwaj yu'na, re' chic ritahkaljic i Jesus re' Pahbamaj chi K'atal K'oric.

<sup>9</sup>Yu'na k'uru' re' hin nwaj wih'ic pan jenaj wach c'uxlis r<sub>uc</sub>' i Jesus maj wi wilquin chic pan jenaj wach c'uxlis r<sub>uc</sub>', raj rik'orom chi c'ahchi' nic'amam n<sub>a</sub> i no'jbal nchalic r<sub>uc</sub>' i Dios eh ma' re' ta chic i no'jbal nic'am nak cho n<sub>a</sub> i hin. Re' no'jbal nic'am nak cho n<sub>a</sub>, rik'or chi riwi' chi win chi naric'amaric n<sub>a</sub> i C'uhal Ye'oj reh Moyses. Raj i no'jbal nchalic r<sub>uc</sub>' i Dios re' xnirak i hin r<sub>uc</sub>' rich'iquinjic nic'ux chirij i Jesus re' Pahbamaj chi K'atal K'oric, rik'or chi riwi' chi win chi nanich'icab nic'ux chirij ru'. <sup>10</sup>Je' re' ajic re' hin nich'ica' nic'ux chirij i Jesus maj nwaj chi pa nic'acharic enwih'ic je' wo' chi enwih'ic pa nic'acharic i riminal wach rajawric i Dios re' xucusunic reh Jesus chi quixilac take camnak. Chirij lok re're' nwaj chi wi eta nak nc'ulic lok i ti'c'axic chi nin<sub>a</sub> ru'um ritahkaljic i Jesus niban, tikilquin chi ric'uluric je' ricab xiban i Jesus naxc'ulic lok ti'c'axic chin<sub>a</sub>. Je' wo' chic je' ricab xiban naxquimic wach curus re're' til tiklic chi ric'uluric re're', re' hin tikilquin wo' chi naniquimic wi ru'um reh ritahkaljic i Jesus riwi' chi wi<sub>n</sub> chi je' re' enc'uluric wuc!. <sup>11</sup>Wi je' re' xc'uluric wuc!, weht'al wo' chi re' Jesus naribananam chi nawuctic wo' chic cho chi quixilac take camnak.

### Re' ye'oj c'uxlis chi ribanaric i no'jbal je' ricab rino'jbal i Jesus

<sup>12</sup>R<sub>uc</sub>' xnik'or lok re're' ma' nwaj ta nik'orom chi wilic ta nak chic nino'jbal je' ricab i Jesus. Je' wo' ma' c'ahchi' ta nik'orom chi xa coric ta nak chic niwach chi manlic je' ricab ru'. Re' c'ahchi' nik'orom was tak nichak', re' chi re' hin c'ahchi' nicowem nic'ux chi re' nino'jbal naribananam je' ricab rino'jbal i Jesus re' Pahbamaj chi K'atal K'oric, ru'um nok re're' raj chi re' nino'jbal naribananam je' ricab i rino'jbal ru' eh ru'um re' xirico'lej.

<sup>13</sup>Was tak nichak' aj niminel, je' ricab wilquin hin yu'na ma' nicapaj ta chi xnirak ta nak chic pam i no'jbal je' ricab raj i Jesus chi nanibananam xa re' la' haj wilic niban yu'na re' chi c'ahchi' wic'sam lok rij nic'ux haj wilic take no'jbal xnibana cho najtir k'ij eh chin<sub>a</sub> chic i no'jbal wilic je chi niwach ru'um i Jesus, re' chic re' c'ahchi' nitahkem rij yu'na. <sup>14</sup>Je' re' ajic je' ricab riban jeno' aj ajamanel nanoquic je chi ajamanic xa re' chic i ye'ab haj nariponic wi<sub>l</sub> wilic pa ric'ux ru'um raj ribanam canar jeno' risi, je' wo' re' niban i hin. Yu'na xa re' chic risiq'uiric i no'jbal je' ricab raj i Jesus xa re' chic re' wilic pa nic'ux maj re' riwi' chi xinyuk'unjic cho ru'um i Dios je' wo' chi xinco'ljic ru'um i Jesus, re' chi nanic'ulum i no'jbal re're' je' ricab jeno' si.

<sup>15</sup>Je' re' k'uru' was tak nichak', chi kunchelal i hoj nic' q'uihal rije<sub>b</sub> chic i kano'jbal chipam i kaniminic, curman chi naka'nam keh i no'jbal raj i Jesus chi naribananaric je' ricab i nik'orom aweh tak chirij i no'jbal re're'. Tz'ab ru'

wi wilic jeno' aweh tak ma' je' ta ricab nicipew-bal i ricapew-bal ru', ta wo' ret chi wiñ ru'um nok re' Dios ruc' i Lok' laj rUxlabal naric'uhtam aweh tak haj wilic i coric laj no'jbal raj banaric. <sup>16</sup>Re' cok ru' wi je' aj re' xiban i Dios, chac'am tak na' i pa' bih ric'uhtaj aweh tak. Je' re' nik'or chi nabanam tak maj re' raj i Dios re' chi nic' pa' wach i niminic c'ahchi'coj chiwach ruc' ric'amaric na' ric'uhbal, re' wo' re' raj chi enkatik ju' ribanaric.

<sup>17</sup>Je' re' ajic hat-tak wich aj niminel, chac'am tak tz'eht reh i no'jbal xniban cho chaxilac tak eh chatijej wo' aweh tak i quino'jbal take awich aj niminel tak c'ahchi'queb chi c'acharic je' ricab c'acharic xniban cho chaxilac tak. Je' re' nok nipahkam aweh tak chi ma' riban acapew-bal tak je' ricab quino'jbal take chucul laj aj niminel. <sup>18</sup>Re' riwi' chi je' re' nik'or aweh tak ru'um chi chaxilac hat-tak k'e' chic take chucul aj niminel wilqueb. Je' ricab q'uih chic pech nik'orom cho aweh tak chi chayohbalej awib tak chiwach quino'jbal, yu'na c'ahchi' nica'pechem je rik'ormojic aweh tak chi njik'jitic i wamna ru'um nok re' take aj niminel re're' nquik'or chi c'ahchi' quitahkem rik'orbal i Dios, xa re' la' ru' ruc' i quino'jbal nquic'uhtaj lok chi aj k'etol take wach i c'uhbal nk'oric chirij chi re' Jesus re' Pahbamaj chi K'atal K'oric xquimic wach curus chi kaco'ljic i hoj.

<sup>19</sup>Chi je' aj re' quino'jbal i take c'acharel re're', pan junelic ti'c'axic c'ahchi' quicorab je. Je' re' nik'or maj je' ricab chi wilic take nquicoj quitiyox chi quiwach eh nquiyew quic'ux chi rilok'onjic wach, re' take chucul laj niminel re' nquiyew wo' quic'ux chirij i xa pa' jaric i mahc ripahkaj cho i cok quik'ab. Ruc' i c'ahbilal nca'n, q'uix'ic la' nak chic naroquic cho queh xa re' la' chi rijelow-bal re're', riq'uihsjic chic quib nca'n ruc' i ma' holohic ta laj quibanoj. Ru'um aj re' nik'or aweh tak chi re' take chucul laj niminel re're', xa re' i no'jbal nca'n ribanaric take c'acharel china ac'al wili, xa re' wach re' nca'n ribanaric <sup>20</sup>raj la' hoj re' kanimem i Jesus ma' re' ta chic hoj reh na' ac'al wili, xojricoj la' i Dios chi hoj ritinamit chi nakawih'ic ar pan taxaj. Ru'um aj chi hoj chic ritinamit i Dios, yu'na c'ahchi' kuy'em risoljic cho pan taxaj i Lok' laj Ajabes eh kajco'lone Jesus re' Pahbamaj chi K'atal K'oric. <sup>21</sup>Ruc' rinimal rajawric xye'eric ru'um Ajabes Dios chi narich'ukum k'oric chi quina chi'nchel wilqueb pan taxaj ch'il wo' nic' nimal wilqueb china ac'al wili, re' Jesus narijalam wach i katil'jolal wilcoj wi' yu'na chi cu pan quimic kij eh chi je' re' nariyeb keh jenaj tocom chic katil'jolal je' ricab ritil'jolal ru' chi ma'xta chic rojic pan quimic.

### Ma' raj ta c'ulmujic tocom chic c'uhbal

**4** <sup>1</sup>Chi je' aj wili hat-tak lok' laj wich aj niminel re' k'e' ti' tiwic'raj tak, yu'na til tinik'il tak je chi natikim tak ju' rich'iquinjic ac'ux tak chirij i Jesus. Wi je' re' na'n tak, xa elic wo' narisukbic pa nic'ux awu'um tak eh je' wo' ru'um reh nisi nanic'ulum ruc' i Dios ru'um nicamaj xniban awuc' tak je' ricab nok jeno' aj ajamanel ncojoric jenaj chihoj wach cotonaj rii k'ab che' xoybal wach na' rehtalil chi re're' xponic chi pet beh reh pajoj ib chi ajamanic.

Hat-tak wich aj niminel re' k'e' ti' tiwic'raj tak, re' hin k'e' nak nwaj chi nawojic c̄at nik'o'rem tak cho 2xa re' la' ru' um chi ma' niban ta canar ojic, yu'na jenaj ato'bil nwaj nipahkam je queh take wich aj niminel re' ti Eworya ch'il i ti' Sintique. Re' ato'bil wili, re' chi naca'nam wo' chic chi xa jenaj wach quic'ux chipam rinimjic i Jesus maj yu'na ma' nquic'am ta quib chipam i quino'jbal chi niminic. <sup>3</sup>Ru'um aj wo' re're' nipahkaj aweh hat wich aj niminel ma' Sisico re' til manlic hat waj to'ol chi rik'ormojic ribiral i Jesus, chi chato'bej take win i quib chi wich aj niminel re're' chi naca'nam wo' chic chi xa jenaj wach quic'ux maj nok ja' quincojoric ta nak pan che', re' take quib aj niminel re're' xa cow chic xquiyew quic'ux chi camanic chi rik'ormojic riC'uhbal i Dios chi wich'il take. Ma' xa wich'il ta i hin xca'n chi je' re', je' la' wo' re' xca'n quich'il take kich aj niminel wilic chic quibhnal chipam rihuj i Dios re' tz'ihmbimaj wi' quibhnal take nic' pa' nimal take c'acharel ye'oj chiquij chi naquic'acharic chi junelic. Je' re' ajic re' take quib kanab re're' cow xicamanic chi rik'ormojic ric'uhbal i Dios ch'il i kasbes ma' Quelmente eh ch'il wo' take tocom chic wich aj k'orol riC'uhbal i Dios. Ru'um aj chi je' re' ca'nam cho, re' hin nipahkaj aweh chi chato'bej take quib kanab re're'.

<sup>4</sup>Nok nipahkam chic re're', re' chic take wili tocom pahkanic niban je aweh tak: Xa suk ok wo' ac'ux tak chi junelic ru'um chi re' kAjaw Dios wilic awuc' tak eh re' hin ma' eta quinch'il'tjc chi rica'pechjic rik'ororic wo' chic je aweh tak chi narisukbic ac'ux tak. <sup>5</sup>Je' wo', til c'uhtunok wo' lok ruc' ano'jbal tak chi hat-tak chak'lam c̄uc' chi'nchel, ru'um chi re' Jesus xa wilic wo' kuc' i hoj aj niminel. <sup>6</sup>Je' wo', nipahkaj aweh tak chi ma' chi bih noj wi' acapew-bal tak chirij xa pa' bih jaric china wach ac'al wili, re' la' cha'n tak chak'or tak johtok reh Dios haj wilic ac'axquilar tak eh nacha'n tak johtok apahkanic tak xa wilic ok wo' tioxonic pan awamna tak ruc' i Dios. <sup>7</sup>Chapahkaj aj tak reh Dios atobjic tak eh re're' nariyeb cho aweh tak. Je' wo', ru'um chi re' hat-tak ch'iclic ac'ux tak chirij i Jesus, re' Dios nariyeb wo' cho aweh tak i sukquil c'uxlis re' nariwh'ic pan awamna tak nok wilic ac'axquilar tak tob ta nchel ma' narak ta tak chirij chaj bih riwi' nok re' Dios xiyew cho chanq tak re're'. Je' re' cha'n tak k'uru' reh chi re' sukquil c'uxlis naç'ulum tak re're' narito'bonic aweh tak chi enh'ihquic awamna tak eh chi ma' eta nyoj acapew-bal tak.

### Re' riholonquilal laj no'jbal raj i Dios chi naca'nam take aj niminel

<sup>8</sup>Was tak nichak' aj niminel, tic'acharok tak ruc' holonquilal laj no'jbal reh chi ru'um reh no'jbal na'n tak enye'eric rilok'il i kAjaw Jesus. Je' ok wili c'acharic cha'n tak: Pa ricorquil laj no'jbal, pan tz'iroj wach capew-bal. Je' wo', pan sak wach c'acharic tiwih'ok tak eh c'ul wach ok lok achak'lamil tak. Til la' ok p̄am p̄et k'oric wilic abiral tak chi holohic ano'jbal tak eh chi'nchel nic' pa' nimal nañbanam tak re' nari'uhtunic lok chi quiwach i tinamit chi coric wach acapew-bal tak, re' ok re' chacapaj tak lok ribanaric. <sup>9</sup>Je' re'

k'uru' re' hat-tak chatik tak ju' ribanaric je' ricab rik'or i tijinic c'uhtumaj aweh tak wu'um, re' ma' xa re' ta xnic'uhtaj aweh tak ruc' k'oric je' la' wo' xawilow tak ruc' nino'jbal naxinwih'ic chaxilac tak. Ruc' chi je' re' ena'n tak, re' Dios re' nye'bic cho sukquil c'uxlis nariwih'ic awuc' tak chi junelic.

### Re' ma' Lu' ritioxej je i si xca'n cho take aj Pilipo

<sup>10</sup> Was tak nichak' aj niminel yu'na re' chic i k'oric chirij as<sub>i</sub> xayew tak wiñ re' chic re' nanik'oric chirij. Re' hin k'e' nitioxej johtok i kAjaw Dios ru'um re're'. Ruc' as<sub>i</sub> xatak'a' tak cho wiñ, jenaj wo' chic pech xarak tak nic' wach nitobjic nabanam tak cho maj re' hin weht'alim chi til wilic nak pan awamna tak chi naqu<sub>i</sub>nato'bem tak xa re' la' ja' narak ta nak tak nic' wach riwi' nabanam tak cho. <sup>11</sup> Ruc' xnik'or lok wili ma' raj ta rik'orom chi nok xinwih'ic chi ma'xta bih wilic wiñ, xinwih'ic ta nak chi xa ntz'iric chic pa nic'ux. Ma'xta! Re' hin ma' xniban ta chi ntz'iric pa nic'ux maj xnitijej i c'acharic chi suk nic'ux tob ta suk wilquin on c'axic niban. <sup>12</sup> Je' re' ajic weht'alim nic' wach c'acharic chipam niba'il je' wo' i c'acharic nok chi'nchel wilic cho wiñ maj re' Dios xic'uhtaj wiñ nic' wach naquinc'acharok chi suk nic'ux pan niba'il on nok chi'nchel wilic cho wiñ. Je' re' k'uru' xa haj ye'ab quinwih'ic wiñ je' ricab nok cuyuj wiñ niban on nok ma' nc'uhlic ta chic i pa' bih wilic cho wiñ, re' hin xnitijej nic' wach naquinc'acharok chi suk nic'ux. <sup>13</sup> Chi je' aj re' riwi' nic'axaric niban, xa pa' bih npahkaljic wiñ chi ribanaric ricamaj i Dios, chi'nchel niban canar ribanaric ru'um nok re' kAjaw Jesus riywew wansil chi ribanaric haj wilic raj i Dios.

<sup>14</sup> Hat-tak wich aj niminel, nok re' hin nik'or chi weht'alim wiñ i c'acharic pan niba'il je' wo' nok nik'or chi chi'nchel wilic wiñ, ma' raj ta rik'orom chi ma' ta nak nicoj pa riman i to'bonic xa'n tak cho wiñ. Ma'xta! Re' hat-tak jenaj la' rinimal c'axoj xa'n tak cho wiñ naxinato'bej tak cho chipam take nic'axquilal c'ahchi' nak wiq'uic wiñ. Ru'um aj re' nik'or chi k'e' holonquilal xa'n tak wiñ. <sup>15</sup> Was tak nichak' aj niminel aj Pilipo, re' xa'n tak cho wiñ re're' cu wilic pan ac'ux tak, ma' je'? Re' hin til cu wilic pa nic'ux take k'ij re're' naxnip'ut rik'ormojic i c'uhbal chirij i Jesus chaxilac tak, nic' wach naxinato'bej tak nok tikilquin nak chic chi nawelic cho chipam i yuk'ul Maseronya re' wilic wiñ atinamit hat-tak aj Pilipo. Chiwach take k'ij re're' ma' hab ta chic jeno' moloj wach aj niminel xto'bonic wiñ, xa re' la' ti acomonil hat-tak xamol wach atumin tak chi nitobjic chipam ricamaj i Dios. <sup>16</sup> Ma' xa junpech ta xinato'bej tak, ca'pech la' xinato'bej tak ar pan tinamit Tesalonica naxatak'a' tak je tumin re' xamol tak wach lok'bal pa' bih wiñ.

<sup>17</sup> Je' re' was tak nichak' aj niminel, re' hin k'e' nsukbic i wamna ruc' take as<sub>i</sub> xayew tak cho wiñ re' cok ru' re' hin ma' c'ahchi' ta nik'orom re're' ru'um chi nwaj ta nak chi re' hat-tak xa elic wo' nayeb tak cho nisi. Ma'xta! Haj cok wilic til nwaj chawij hat-tak, re' chi re' Dios eriyew cho rinimal ricuse'sbal chanq tak eh chi wilic ok tocom chic c'axoj chaxilac hat-tak je' ricab abanam tak cho wiñ.

<sup>18</sup>Je' re' k'uru' was tak nichäk' aj niminel, yu'na c'ahchi' nitz'ihmbam i huj wili chi je' na jenaj rehtalil chi xnic'ul i to'bonic xa'n tak cho win, re' xic'am cho win i Epaporito. Ruc' i to'bonic re're' yu'na chi'nchel wilic win, xa niq'uic la' wo' chic nã eh ru'um aj re' yu'na ma'xta bih ma' ta nak wilic win. Junpech wo' chic was tak nichäk', nik'or aweh tak chi til k'e' nitioxej aweh tak i to'bonic re're', re' je' na ricab jenaj si nim wach xayew tak chiwach i Dios eh re're' xic'ul cho aweh tak chi je' ricab jenaj si k'e' nc'ohnic chiwach. <sup>19</sup>Je' wo' nik'or aweh tak chi je' ricab nok re' hat-tak xayew tak nito'bal, je' wo' re' i kaDios re' aj ehchenel reh riminal wach bihomal ar pan taxaj, nariyeb cho riman ric'axbal chanq tak nok chi'nchel ok wilic cho aweh tak on nok ma'xta bih wilic aweh tak, ru'um chi re' hat-tak xach'ica' ac'ux tak chirij i Jesus.

<sup>20</sup>Was tak nichäk' aj niminel ruc' chi'nchel wili, re' hoj til kayew wo' tak rilok'il i Dios chipam kac'acharic chi junelic i k'jj. Je' ta nak re'.

#### **Re' cohlsbal wach i huj wili**

<sup>21</sup>Chipam i huj wili c'ahchi' wo' nitak'ab je risukquilal ac'ux chi'nchel hat-tak wich aj niminel reh Jesus wilcat tak ar Pilipo. Re' take kas kachäk' aj niminel wilqueb wuc' chi to'bonic, nquitak'a' wo' je risukquil ac'ux tak. <sup>22</sup>Je' wo' take c'acharel quipatanic ayu' re' aj niminel chic take, c'ahchi' wo' quitak'ab je risukquil ac'ux tak eh re' til cow nquipahkaj chi je' re' naribananic je aweh tak, re' take aj camanom pa ripat i k'atal k'oric aj Roma re' take xquinimej wo' i kAjaw Jesus.

<sup>23</sup>Je' re' k'uru' was tak nichäk' aj niminel re' ta nak rato'bil i Lok' laj Ajabes Jesus re' Pahbamaj chi K'atal K'oric wih'ok awuc' tak chipam animinic tak.